

任松如編

水經註異聞錄

上海啓智書局印行

二十三年五月初版

水經注異聞錄

全一冊定價大洋一元五角

編輯者

黃陂 任松如

發行者

啓智書局
上海法大馬路自來火街四高第里一號

印刷者

啓智印務公司
上海法界四門路潤安里十九號

代售處

全國各大書局

版權所有
翻印必究

紕

余家先世，處萬山中。曾祖府君，亦耆典籍。蒐采所獲，小有度置。雖鮮佳槧，竝多新刻。外至釋老，以及遠譯。購之不可，傭手借鈔。諷誦有會，見之行事。意氣所漸，獷俗於變。太平天國，一炬泯焉。吁嗟悼矣！海宇載奠，室廬用葺。指繁禮劇，物力匱乏。而塾教不輟，羅致名宿。研尋所及，爰至百氏。插架之多，簿帙所記。以視舊觀，百未有一。蓋思復故物，戛乎難哉！王父府君，氣稟清曠。云有異書，亟用瀏覽。不求甚解，自爲怡悅。年近九十，日不釋卷。先伯雨亭，風標高逸。不與世驚，坐對古人。居書城中，迄乎沒齒。仲伯贊叟，安貧懷道。日不舉火，聲出金石。年八十餘，鬢髩未艾。詩思風發，隨自寫定，不假他人。測其視息，庶幾伏勝。逮予小子，言之惻愴。粵在樞掾，幾死者數。垂髫之歲，先君子棄養。先孺人羅，茹荼飲蘖，督兒績學。日出就傳，受業伯氏。退有所聞，色然以喜。入侍王父，語以故實，輒

爲解頤。及見孺人，砧聲燈影諸子環讀。至於夜分。或有憊困，時作清談，用祛暮氣。長兄堃如，同止私室。寢興先後，與諸弟俱。日邁月征，飫聆珍異。課業之外，凡所耳食，不解所由；但欣欣耳。維時諸父兄弟，異財別戶。青緗黃卷，寢散佚矣。斷縑零素；存者僅耳。小子不幸，在衰經中，大喪淳饒，煎迫累歲。救死不贍，寧復購書。成童以後，就學四國。師友所藏，公私所蓄，時從借讀，書抑夥矣。而功令所課，科目疊矣。神識疲矣。省覽之日，蓋亦微矣。洎嬰塵網，彌用砢砢。世夢國變，形神摧剝。唇龜舌胝，筋弛髓涸。生事疏闊，禮目脫略。幾歷廿年，學殖落止。蚤日記誦，銷蝕亡有。以云新獲，蔑焉泯如。論其體貌，木雞芻狗。靈光點談，直肉走也。彼蒼不弔，孺人見背。憂重身危，蹣跚終歲。銜恤靡至，生不擬死。縮衣褊食，爲買書計。歸依先人，逃于荒谷。敗草壞楮，但從所好。玄黃易色，良願不遂。流轉兵間，草檄自活。東趨江浦。西盡湖湘。盾露角聲，塵勞况瘁，矧在軍旅，匪其諠習。勢禁形格，不得不爾。一稔未周，毅然捨去。言來海上，兀自年年。類爲儲錄，難乎歸

暨。涼涼鵲。罕與世接。聯帶文舫。閒石鳴鶴。仰視浮雲。僊玩淪漪。那卿賣餅。相如露文。聊延喘息。詎云市隱。牙籤雖富。吾不欲觀。魚鳥下土。嗜知所屆。縱浪大化。亦俟盡耳。中夜慨莫。追思疇曩。自識字來。頗好輿覽。山經稷傳。禹貢班志及于外紀。靡不沉湎。爰逮壯歲。爰集鄴亭。述其所緣。可得言焉。舜夙囚堯。有城尙在。唐虞揖讓。可爲疑議。飛廉事紂。霍太致命。受臣離德。書難盡信。史遷傳老。不知所終。莊云聃死。大陵巍巍。胡公桐棺。書同今體。隸自出古。非始于秦。凡此犖犖。咸關鉅世。自有經籍。代罹竄斂。諸臣虐后。作古自飾。文妖僻學。改書爲點。今之所存。贗鼎衆矣。中尉注中。雖在碎金。殊爲金寶。苟加扶檢。是正舊策。其識偉矣。匪甯是也。道元辦事。旁徵互證。弗斷以臆。疑者蓋闕。所稽古事。亦符今法。至其綴文。自開體制。鏤章繡句。效睡風雅。六朝文士。終當避席。尤有進者。善長好學。洽聞博覽。皮書貝葉。危巖破石。耳目所涉。輪蹄所過。隻文畸語。驅之鋒尾。蔚爲異製。良有以也。故其所著。佗書未覩。庾詞隱說。夷歌俚唱。多所未解。藉新吟詠。河精山鬼。木

蛇石擊。在所疏遠，亦益神識，台榭宮闕，工作瓌巧。石文壁繡，丹墨迷眩。往代人物，微能淺善。發潛聞幽，立儒敦薄。雖志職方，並苞百物。較言文行遠，其信然矣。洸函秘冊，賴以存焉。鄺書出後，名不甚著。李唐撰史，錄於隋志。君卿詆之；吉甫刪之；傳習者少，訛脫滋夥。趙宋藏本卷帙亡失，蘇王所引今本又佚。南北鐫行，益爲歧誤。金源蔡氏，雖撰補正，無與原書。既歷朱明，漸有好者。朱箋楊刻，頗精進矣。緊之大典，分條排錄，抑亦遜焉。遜清之世，其業大顯。四庫開館，詳爲參校。中秘書錄，復用流布。戴氏別刻，自翊翔博。陽自官書，陰竄大典。鄺江全氏，世攻其學。望浦七校，素秉莘矣。趙氏一清，朱箋刊誤。與全並行，東原稍細。自是厥後，覃研者流，滋益富矣。長沙王氏，號爲好古。合校諸本，釐爲名版。宜都楊氏，詮疏鄺注。廣陽之志，至是逮矣。二書踵出，桑經鄺注，無遺類矣。余於近歲，求之寤寐。干戈間阻，未獲我心。戾止滬涯，夷猶芒忽。幽憂之疾，兼迫漏寺。悲兄勞瘁，遠哭兒女。枯木逢灰，人間無意。願從姚氏，假得至期。拱玩移日，以自解遣。心所謂佳，筆諸便牋。

。信手采擷，不施裁制。少數十字，修或百言。所題篇目，以意爲之。或約其事；或摘其文。首尾互見。牛驥同皂。但取率易，弗復析別。名物咏嘆，塗以誌記；俾省思索，且爽目脉。始於戊辰；訖於庚午。日月逝往，忽成部帙。卷紙既繁；適分上下。置之左右，昕夕自適。旣而思之，鄴亭奧博，覓絕今古。其所述作，洵爲奇構。辭華史實，取給宏富。以牘故籍；以織新編。可充談助。可裨智海。開卷有益，不其然乎！演爲童話；譯成異語。珠英玉屑；亦一趣也。振孫景龍，橫加排許。淺學鰥生，何足道哉！嗚呼！噫嘻！逝者已矣。搔首踟躕；眷念昔者。東西南北，粗經眺覽。荒江遂谷，但訪古老。鞅掌偃息；惟細舊藉。非與時忤，或絲性習，世途佗係，以書自娛。此在曩哲，仰爲常軌。藐予小子，無然歆羨。引遐搜僻，視蹄覆馱。世有君子，與我同好；所不隱也。

魏收魏書酷吏列傳酈道元傳

酈道元字善長，范陽人也。青州刺史範之子。太和中，爲尙書主客郎。御史中尉李彪以道元秉法清勤，引爲治書侍御史。累遷輔國將軍、東荊州刺史。威猛爲治。蠻民詣闕訟其刻峻，坐免官。久之，行河南尹，尋卽眞。肅宗以沃野懷朔薄骨律武川撫冥柔玄懷荒禦夷諸鎮，並改爲州。其郡縣戍名，令準古城邑。詔道元持節兼黃門侍郎，與都督李崇籌宜置立裁減去留，儲兵積粟，以爲邊備。未幾，除安南將軍，御史中尉。道元素有嚴猛之稱。司州牧汝南王悅，嬖近左右丘念，常與臥起。及選州官，多由于念。念匿于悅第，時還其家。道元收念付獄。悅啓靈太后請全之；敕赦之。道元遂盡其命。因以劾悅。是時雍州刺史蕭寶夤反狀稍露。悅等諷朝廷，遣爲關右大使。遂爲寶夤所害，死於陰盤驛亭。道元好學，歷覽奇書。撰注水經四十卷。本志十三篇。又爲七聘

及諸文。皆行于世。然兄弟不能篇穆；又多嫌忌；時論薄之。

李延壽北史酈範傳

酈道元附

酈範，字世則，范陽涿鹿人也。祖紹，慕容寶瀋陽太守，以郡迎降；道武授兗州監軍。父嵩，天水太守。範，太武帝給事東宮。太武踐阼，追錄先朝舊勳，賜爵永甯男。以奉禮郎，奉遷太武景穆神主於太廟，進爵爲子。爲征南大將軍慕容白曜司馬；及定三齊，範多進策；白曜皆用其謀，遂表爲青州刺史，進爵爲侯，加冠軍將軍。還爲尙書右丞。後除平東將軍青州刺史，假范陽公。範前解州還京也，夜夢陰毛拂蹠。他日說之；時齊人有占夢者史武進云：「公豪盛于齊下矣！使君臨撫東秦，道光海岱，必當重牧全齊，再祿營邱矣！」範笑答曰：「吾將謂卿必驗此夢！」後果如言。時鎮將元伊利，表範與外賊交通。孝文詔範曰：「鎮將伊利，表卿造船市玉，與外賊交通。規陷卿罪，覲觀州任。有司推驗，虛實自顯。有罪者今伏其辜矣。卿其明爲算略，勿復懷疑！」還朝，卒京師。諡曰穆。子道元。

道元，字善長。初襲爵永甯侯。例降爲伯。御史中尉李彪，以道元執法清刻；自太尉掾，引爲治書侍御史。彪爲僕射李冲所奏，道元以屬官坐免。景明中，爲冀州鎮東府長史。刺史于勁，順皇后父也；西討關中，亦不至州。道元行事三年，爲政嚴酷，吏民畏之。後試守魯陽郡；道元表立庠序，崇勸學校。詔曰：『魯陽本以蠻人，不立大學。今可聽之，以成良守文翁之化。』道元在郡，山蠻伏其威名，不敢爲寇。延昌中，爲東荊州刺史；威猛爲政，如在冀州。蠻人詣闕，訟其刻峻；請前刺史寇祖禮，及以遣戍兵七十人送道元還京；二人竝坐免官。後爲河南尹。明帝以沃野懷朔薄骨律武川撫冥柔元懷荒禦夷諸鎮，竝改爲州；其郡縣戍名，令準古城邑；詔道元持節兼黃門侍郎，馳驛與大都督李崇籌宜等，立裁減去留；會諸鎮叛，不果而還。孝昌初，梁遣將揚州刺史元法僧又于彭城反叛。詔道元持節兼侍中攝行臺尙書，節度諸軍，依僕射李平故事。軍至渦陽敗退。道元追討，多所斬獲。後除御史中尉。道元素有嚴猛之稱，權豪始頗憚之；而不能有所糾正，聲望更損。司州牧汝南王悅，嬖近左右邱念，常與臥起。

及選州官，多由於念。念常匿悅第，時還其家。道元密訪知，收念付獄。悅啓靈太后，請全念身。有敕赦之。道元遂盡其命，因以劾悅。時雍州刺史蕭寶夤反狀稍露。侍中城陽王徽素忌道元，因諷朝廷，遣爲關右大使。寶夤慮道元圖己；遣其行臺郎中郭子帙圍道元於陰盤驛亭。亭在岡上，常食岡下之井。旣被圍，穿井十餘丈，不得水。水盡力屈，賊遂踰牆而入。道元與弟道（峻），二子，俱被害。道元瞋目叱賊而死。寶夤猶遣斂其父子，殯於長安城東。事平喪還，贈吏部尙書，冀州刺史，安定縣男。道元好學，歷覽奇書。撰水經四十卷；本志十三篇；又爲七聘及諸文，皆行於世。然兄弟不能篤睦，又多嫌忌；時論薄之。子孝友襲。

水經注異聞錄

黃陂任啓珊松如編輯

總目

敘

魏收魏書酷吏列傳鄭道元傳

李延壽北史鄭範傳(鄭道元附)

卷上篇目

一	千子	六	青牛	二一	雷死
二	戰水	七	爰劍	二二	天馬
三	拜泉	八	青羊	二三	雲中
四	龍溜	九	金馬	二四	殿碑
五	伏羌	十	黃龍	二五	君子

水經注異聞錄總目

二六	竹馬	二八	五老	四〇	伏生
一七	龍雀	二九	投河	四一	讓封
一八	鞭輦	三〇	虎牢	四二	所輔
一九	能譚	三一	斬蛟	四三	夢劍
二〇	索郎	三二	老乳	四四	石臼
二一	白水	三三	河清	四五	處女
二二	鼎胡	三四	沙鹿	四六	妻笑
二三	銅泣	三五	求葬	四七	隨會
二四	齒寒	三六	呂望	四八	割肉
二五	持龍	三七	齊足	四九	無愧
二六	收骨	三八	狄歌	五〇	紂臣
二七	河精	三九	同死	五一	竹書

五二	霍泉	六四	戀本	七六	鳩杖
五三	莽印	六五	斥仙	七七	烹信
五四	晉梁	六六	十巫	七八	石的
五五	饒夫	六七	五牴	七九	罵羽
五六	介廟	六八	原過	八〇	蛇妣
五七	望鼎	六九	戲封	八一	均肉
五八	灌水	七〇	涼堂	八二	名秀
五九	者者	七一	匿穴	八三	冉冢
六〇	石語	七二	陽人	八四	火冢
六一	三神	七三	李同	八五	朱公
六二	臺駘	七四	樂浪	八六	哭弟
六三	鬼憑	七五	烹父	八七	私饋

八八

遼鄉

一〇〇

肩髀

一二二

迴轅

八九

靡靡

一〇一

死友

一二三

坑趙

九〇

蚩冢

一〇二

沛廟

一二四

肥牛

九一

女將

一〇三

狗壘

一二五

視髓

九二

項墓

一〇四

白菟

一二六

朝歌

九三

什城

一〇五

七賢

一二七

帝諦

九四

僧朗

一〇六

念一

一二八

幽訟

九五

免丑

一〇七

一絃

一二九

稽血

九六

仲子

一〇八

獲嘉

一二〇

牖里

九七

不死

一〇九

礪溪

一二一

死胡

九八

四知

一一〇

埤野

一二二

食塊

九九

石椽

一一一

飯蓋

一二三

五罪

一二四	赤兵	一三六	禊飲	一四八	思玄
一二五	眩墜	一三七	馬帝	一四九	求仙
一二六	鄴園	一三八	失據	一五〇	焉窵
一二七	鄴城	一三九	鳶鞬	一五一	餞軻
一二八	鳴鏑	一四〇	老父	一五二	瓊樓
一二九	祭陌	一四一	瘡生	一五三	壯聲
一三〇	桑苑	一四二	隱身	一五四	游藝
一三一	灌趙	一四三	僵尸	一五五	行李
一三二	囊粟	一四四	擊腕	一五六	先亡
一三三	補履	一四五	五王	一五七	石寶
一三四	販殷	一四六	荆館	一五八	恆廟
一三五	蒲牒	一四七	金臺	一五九	湯沐